



**БНСУ ДАХЬ ХӨДӨЛМӨР, НИЙГМИЙН
ХАМГААЛЛЫН ҮЙЛЧИЛГЭЭНИЙ ТӨВ**

2025 ОНЫ 03 ДУГААР САРД ГҮЙЦЭТГЭСЭН АЖЛЫН ТАЙЛАН

СӨҮЛ ХОТ

2024 оны 04 дүгээр сарын 09-ний өдөр

Тайлант хугацаанд чиг үүргийн хүрээнд дараах үйл ажиллагааг явуулж ажилласан.

- I. АЖИЛЛАХ ХҮЧ ИЛГЭЭХ САНАМЖ БИЧГИЙН ХЭРЭГЖИЛТ
- II. НИЙГМИЙН ХАМГААЛЛЫН ТУХАЙ ХЭЛЭЛЦЭЭРИЙН ХЭРЭГЖИЛТ
- III. ТӨРИЙН ҮЙЛЧИЛГЭЭНИЙ ЧАНАР, ХҮРТЭЭМЖИЙГ САЙЖРУУЛАХ

I. АЖИЛЛАХ ХҮЧ ИЛГЭЭХ САНАМЖ БИЧГИЙН ХЭРЭГЖИЛТ

1. БНСУ-д Хөдөлмөрийн гэрээгээр ажиллаж буй иргэдэд дэмжлэг үзүүлэх, мэдээллийн санд баяжилт хийх арга хэмжээ

1.1.1 Хөдөлмөрийн гэрээт ажилчны Е-9 визээс ур чадвартай ажиллах хүчний Е-7-4 виз рүү шилжсэн иргэдийн судалгаанд тайлант хугацаанд 9 иргэнийг, тус виз рүү шилжих хүсэлтэй болон хугацааны болзол хангасан иргэдийн судалгаанд 2 иргэнийг шинээр бүртгэж, нийт 11 иргэнд оноо тоолох, гэр бүлээ урих, хэлний шалгалт сургалтад бүртгүүлэх, визний ангиллаа дараагийн ангилал руу өөрчлөх талаар мэдээлэл, зөвлөгөө өгч 2 иргэний виз мэдүүлэгт дэмжлэг үзүүлсэн.

2. БНСУ-д оршин сууж байгаа монгол иргэд, гэр бүл, хүүхэд, хөгжлийн бэрхшээлтэй иргэдийн судалгааг шинэчлэх, сэтгэл зүйн тулгамдсан асуудлаар үйлчилгээ үзүүлэх арга хэмжээ

1.2.1 Тайлант хугацаанд сэтгэл зүйн зөвлөгөө ганцаарчилсан сэтгэл засал нийт 18 хүнд хийж, сэтгэл зүйн зөвлөгөө өгсөн. Үүнээс нойрны өөрчлөлтийн асуудлаар 8 иргэнд, сэтгэл түгшилтийн асуудлаар 6 иргэнд, сэтгэл гутралын асуудлаар 2 иргэнд, бусад асуудлаар 2 иргэнд зөвлөгөө өгсөн. Хөдөлмөрийн гэрээгээр ирээд сэтгэцийн өөрчлөлтөд орсон иргэнд тусламж үзүүлж, Монгол буцахад нь дэмжлэг үзүүлсэн.

1.2.2 Нийгмийн хамгааллын үйлчилгээний ажлын хүрээнд БНСУ-д хууль бусаар ажиллаж амьдарч буй иргэдийг эмнэлгийн үзлэг болон эрүүл мэндийн даатгалд хамруулах зорилгоор “JUBILEE” эрүүл мэндийн сайн дурын сантай хамтран ажиллаж, 2025 оны 03 дугаар сарын 09-ний тус төвөөр дамжуулан хүсэлт гаргасан 2 иргэнийг 195,000 воны эмчилгээ үйлчилгээнд үнэ төлбөргүй хамруулсан. Мөн тухайн өдөр 20 орчим монгол иргэнд эмнэлгийн орчуулга хийж, үйлчилгээ үзүүлсэн.

II. НИЙГМИЙН ХАМГААЛЛЫН ТУХАЙ ХЭЛЭЛЦЭЭРИЙН ХЭРЭГЖИЛТ

1. БНСУ-д хөдөлмөрийн гэрээгээр ажиллаж байгаа болон бусад хэлбэрээр ажиллаж, амьдарч байгаа иргэдийг Монгол Улсын нийгмийн даатгалд албан журмаар болон сайн дураар хамруулах нийгмийн даатгалын үйлчилгээг хүргэх арга хэмжээ

2.1.1 БНСУ-д хөдөлмөрийн гэрээгээр ажиллаж байгаа иргэдийг Монгол Улсын нийгмийн даатгалын тэтгэврийн даатгалд албан журмаар 33 иргэнийг хамруулж, холбогдох программд мэдээллийг бүртгэн гэрээ байгуулсан. Мөн Үндэсний тэтгэврийн даатгалаас чөлөөлөгдөх гэрчилгээний хугацааг сунгаж 28 иргэн, гэж үрэгдүүлэн дахин авах хүсэлт гаргасан 6 иргэн, шинээр чөлөөлөгдөх гэрчилгээг 30 иргэн буюу нийт 64 иргэнд тус тус олгосон.

2.1.2 БНСУ-д хөдөлмөрийн гэрээнээс бусад төрлийн визний ангиллаар оршин сууж буй Монгол Улсын 26 иргэнийг нийгмийн даатгалын сайн дурын даатгалд хамруулан, холбогдох программд мэдээллийг бүртгэж гэрээ байгуулсан. Мөн Үндэсний тэтгэврийн даатгалаас чөлөөлөгдөх гэрчилгээний хугацааг сунгаж 16 иргэн, гэж үрэгдүүлэн дахин авах хүсэлт гаргасан 12 иргэн, шинээр чөлөөлөгдөх гэрчилгээг 20 иргэн буюу нийт 48 иргэнд тус тус олгосон.

2. Нийгмийн даатгалын шимтгэлийн орлогыг төвлөрүүлэх, тайлагнах арга хэмжээ

2.2.1 Нийгмийн даатгалын ерөнхий газрын даргын албан үүргийг түр орлон гүйцэтгэгчийн 2025 оны А/01 дугаар тушаалаар тус тасгийн 2025 оны орлогын батлагдсан төлөвлөгөө 5,031,634,000.00 төгрөг, сар бүрийн орлогын төлөвлөгөө 419,302,833.33 төгрөг болно. Тайлант хугацаанд нийгмийн даатгалын шимтгэлийн орлогын төлөвлөгөөг 57 хувиар биелүүлсэн.

Хүснэгт 1: Нийгмийн даатгалын шимтгэлийн орлогын төвлөрүүлэлт

Сар	Сарын орлогын төлөвлөгөө /төгрөгөөр/	Тэтгэврийн даатгалын шимтгэлийн орлого		Сайн дурын даатгалын шимтгэлийн орлого	Нийт төвлөрүүлсэн шимтгэлийн орлого		Биелэлтийн хувь	Тухайн сарын МБ-ны эхний өдрийн хаалтын ханш
		Вон	Төгрөг	Төгрөг	Вон	Төгрөг		
3	419,302,833.33	44,790,000.00	106,152,300.00	133,333,528.00	44,790,000.00	239,485,828.00	57	2.37

2.2.2 Тайлант хугацаанд 103,073,627.34 төгрөгийн шимтгэлийн орлогыг Нийгмийн даатгалын ерөнхий газрын Төрийн сангийн дансанд төвлөрүүлэн, сарын мэдээг заасан хугацаанд гаргаж, мөн “Нийгмийн даатгалын ерөнхий хууль” болон “Шилэн дансны хууль”-д заасны дагуу Сангийн яамны холбогдох мэдээллийн санд байршуулсан.

III. ТӨРИЙН ҮЙЛЧИЛГЭЭНИЙ ЧАНАР, ХҮРТЭЭМЖИЙГ САЙЖРУУЛАХ

1. БНСУ-д амьдарч буй иргэд болон хөдөлмөрийн гэрээт иргэдэд зөвлөгөө мэдээлэл өгөх, өргөдөл гомдлыг шийдвэрлэх, сургалт, сурталчилгаа зохион байгуулах, гадаад хамтын ажиллагаа, төсөл хөтөлбөр хэрэгжүүлэх арга хэмжээ

3.1.1 БНСУ-д хөдөлмөрийн гэрээгээр ажиллахаар ирэх 70 иргэнд ирэхээс өмнөх сургалтыг 2025 оны 02 дугаар сарын 24-ний өдөр, 03 дугаар сарын 10-ны өдөр 65 иргэнийг хамруулан цахимаар, БНСУ-ын Хөдөлмөр эрхлэлт, хөгжлийн сангийн Ёжү хот дахь Олон улсын сургалтын төв, Инчон, Ичон хот дахь сургалтын төвүүдэд 2025 оны 02 дугаар сарын 27-ны өдөр 38 гэрээт иргэн, 2025 оны 03 дугаар сарын 13-ны өдөр 82 иргэнийг хамруулан ирсний дараах сургалтыг танхимаар тус тус зохион байгуулж, дараах агуулгын хүрээнд мэдээлэл өгөв. Үүнд:

- ХНХҮТ-ийн үйл ажиллагааны танилцуулга
- Цалин хөлс тооцох, ажлын байр солих талаар
- Үйлдвэрлэлийн ослын даатгал,
- Хөдөлмөрийн аюулгүй байдал, эрүүл ахуй, ослоос урьдчилан сэргийлэх тухай
- Солонгос Улсын хууль, журам, гэмт хэрэг зөрчлөөс урьдчилан сэргийлэх талаар
- Суугаа орондоо дасан зохицоход анхаарах зүйл
- Сэтгэл зүйн зөвлөгөө мэдээлэл
- Ур чадвартай ажиллах хүч Е-7-4 визний талаар
- Солонгос хэлний сургалт, урьдчилсан үнэлгээ хийх шалгалтуудын хуваарь
- Хууль бусаар оршин суухын сөрөг тал, хуулийн дагуу оршин суухын давуу тал гэх мэт.

Түүнчлэн ирсний дараах сургалтын агуулга, хүртээмжийг сайжруулах зорилгоор Ёжү хот дахь сургалтын төвийн удирдлагатай уулзалт зохион байгуулснаар сургалтын цагийг 50 минут уртасгах төвийн санал дэмжигдэж шийдвэрлэв.

3.1.2 Тайлант хугацаанд Нийгмийн хамгааллын тухай Монгол Улсын Засгийн газар, БНСУ-ын Засгийн газар хоорондын хэлэлцээр, нийгмийн даатгалын тухай хууль тогтоомжууд, Үндэсний тэтгэврийн даатгалаас буцаан олголт авах, Солонгос Улсын Хөдөлмөр эрхлэлт, хөдөлмөрийн яам, ажил олгогч эзэд болон холбогдох бусад байгууллагуудтай харилцан зөвшилцөх, эвлэрүүлэн зуучлах, гомдол барагдуулах, орчуулга хийх, хууль эрх зүйн зөвлөгөө өгөх зэргээр утас, цахим, танхимаар нийт 864 удаагийн үйлчилгээг үзүүлсэн.

Хүснэгт 2: Үйлчилгээ үзүүлсэн иргэдийн тоо

Үйлчилгээ үзүүлсэн тоо	Утсаар	671
	Цахимаар	66
	Танхимаар	127
	Нийт	864

БНСУ-д оршин сууж буй иргэдэд хөдөлмөрийн харилцаатай холбоотой өргөдлийг хүлээн авч, Самсунг даатгалын оршин суух хугацаа дуусгавар болсны даатгал, үйлдвэрээс

авах 13 дахь сарын цалингийн зөрүү, нутаг буцах зардал, үйлдвэрлэлийн ослын даатгал, олгогдоогүй хойшлогдсон цалин хөлс зэрэгтэй холбоотой шинээр 34 өргөдөл гомдол хүлээн авч нийт **90,802,197.00** воныг олгуулсан бөгөөд одоогийн байдлаар 17 өргөдөл гомдол шийдвэрлэх шатанд явагдаж байна.

Хүснэгт 3: Ажил үйлчилгээний төрлөөр иргэдэд олгуулсан нийт мөнгөн дүнгийн жагсаалт

Ажил үйлчилгээний төрөл		Мөнгөн дүн /вон/
Хөдөлмөрийн гэрээт ажилчид	Буцах замын зардал	4,000,000.00
	Цалин, илүү цагийн хөлс	441.827.00
	Самсунг даатгал дахь 13 дахь сарын цалин	68,719,900.00
	Үйлдвэрээс авах 13 дахь сарын цалин	4,440,970.00
Бусад төрлийн виз	Олгогдоогүй, хойшлогдсон цалин хөлс	469,500.00
	Үйлдвэрлэлийн ослын даатгал	
Хууль бусаар оршин суудаг иргэдэд	Олгогдоогүй хойшлогдсон цалин хөлс	12,535,000.00
	Эмнэлгийн төлбөр хөнгөлүүлэх болон бусад	195,000.00
НИЙТ ОЛГУУЛСАН ДҮН		90,802,197.00

Хүснэгт 4: Өргөдлийн шийдвэрлэлтийн байдал

Нийт өргөдөл	Өргөдлийн шийдвэрлэлтийн байдал				
	Шинээр хүлээн авсан өргөдөл	Хугацаанд нь шийдвэрлэсэн	Бусад байгууллагад шилжүүлсэн	Хугацаа хэтэрсэн	Шийдвэрлэж буй
44	34	27	12	-	17

Нийгмийн даатгалын тухай хууль тогтоомжид заасан болзол нөхцөлийг хангасан 5 даатгуулагчдад тэтгэмжийн тодорхойлолт олгосон.

3.1.3 БНСУ-ын Инчон хотын сургалтын төвд барилгын салбарт ажиллахаар ирсэн Монгол иргэдэд 2025 оны 02 дугаар сарын 27-ны өдөр төвийн үйл ажиллагааг сурталчлан, зөвлөгөө мэдээллийг хүргэн ажилласан.

3.1.4 Төвийн БНСУ дахь “Хөдөлмөр, нийгмийн хамгааллын үйлчилгээний төв” сошиал хуудсанд 14 удаа, байгууллагын <https://seoulcenter.mls.gov.mn> цахим хуудсанд 14 удаагийн мэдээлэл, зөвлөгөө нийтэлж сурталчилснаар 62,684 хандалт авсан. Тухайлбал, хөдөлмөрийн гэрээт ажилчдад зориулсан сэрээт машины сургалтын талаар, хөдөлмөрийн аюулгүй байдал, эрүүл ахуйн зурагт зөвлөгөө гэх мэт.

2. Салбарын хууль тогтоомжийн хэрэгжилтийг хангах, хүний нөөцийг чадавхжуулах, төрийн үйлчилгээний чанарыг сайжруулах арга хэмжээ

3.2.1 Төрийн албан хаагчийн мэдлэг, ур чадвараа сайжруулах зорилтын хүрээнд Хөдөлмөр, нийгмийн үйлчилгээний тасгийн 3 ажилтан БНСУ-ын Хууль зүйн яамнаас зохион байгуулсан Хөдөлмөрийн хуулийн сургалт, Засгийн газрын Gov.mn төрийн байгууллагуудын нэгдсэн сайтын админы сургалт болон хэлний сургалтад хамрагдсан.

3.2.2 БНСУ дахь Хөдөлмөр, нийгмийн хамгааллын үйлчилгээний төвийн “Баримт нягтлан шалгах комиссын бүрэлдэхүүн”, “БНШК-ын ажиллах журам”-ын төслийг боловсруулан батлуулсан. 2012 оноос хойш архивлагдаагүй, хадгалах хугацаа дуусаж устгах хугацаа болсон 85 архивын баримтыг хамран бүртгэлд оруулан, БНСУ дахь Хөдөлмөр, нийгмийн хамгааллын үйлчилгээний төвийн дэргэдэх БНШК-ын хурлаар хэлэлцүүлэн, хурлын тэмдэглэл, ХХҮЕГ-т хүргүүлэх саналын төслийг боловсруулсан.